

Vorred.

sen/wie dann auch durch nachforschen der Geometri/
oder Landmessens Kunst/welche ich mittlerzeit / durch
scharpffes specularen/vnnd nachsinnen etwas gründli-
cher/ als vielleicht andere/ erz ründet/ vnnd beschrieben
habe / daran verhindert worden: zu welchem nachfer-
schen vnnd ergründen/ mich nichts anders verursacht
hat/ als daß ich bey vielen vermeynten Landmessen/
grosse Unwissenheit gespürt/ vnd gesehen habe/ ob wel-
chen doch billich/ alle Oberherren (weil an dem Landmessen
hohen vnd nideren Stands Personen nit wenig geles-
gen) gute Acht habē/ vnd dem gemeinen Nutzen zum be-
sten mit verständigen vnd gründlich erfahreuen Land-
messen billich versehen sein solten: vnnd hab d. mnach
durch solch mein embisia specularen/ vnd vnachlässiges
nachdencken in solcher Geometrischen Kunst/ etliche tref-
lich nützliche/ vnnd behende/ zuvor nie gesehene Instru-
menta, oder Meßgezug erfundē/ dardurch alle Aecker/
Wiesen/ Gärten/ oder andere Plätze/ sie seyen so krumm/
küntich/ oder eckich/ als sie immer wollen/ ihres inthalt
erforschet/ geschieden vnd in allerley begerte Theil abge-
theilt werden können.

Welche Kunst vnd Geometrische Practic ich auch/
wils Gott/ zu seiner zeit ans Liecht zu geben fürhabens
bin/ vnd inmittels bey hohen/ vnd nideren Stands Pers-
ohnē/ so meines Diensts begeren/ mich vmb die gebühr
in sol-